

حقوقی بلیکسیر مجموعہ سی

ہر آئی سو کنندہ نشر اول نور

تجارت بحریہ

« قونشمتولردہ عدم مسئولیت شرطلری »

استانبول بارو مجموعه سنك اوجنجی صایسندہ حقوق دوقتوری ص. آداتو افندی طرفندن « قونشمتولردہ مندرج عدم مسئولیت شرطلری » سرلوحه سیله یازیلان مقاله طامانه، من القديم حیات بشرده بیوک برول اوینامش وعلی الخصوص بخارك قوه تحریکیه سی کشف اولندقدن صکره حیرت افزا انکشافاتیلہ جدأ روست طالمشول اکتساب ایش اولان بحریه مجهز لکنک قونشمتو منلو باشلوجه برآلتہ وبوآلتک الک چتین وپروزی برجهته تعلق اعتباریلہ جالب دقتدر .

افندی مومی الہ ، قونشمتولر اثنای سفرده حولہنک ضیاع و سرقتندن وقودان وطائفہنک خطاسندن دولای صاحب سفینه به برکونا مسئولیت ترتب ایتیمه چکی حقندہ مندرج شرطلرک معتبر اوله میه جغنی ایراد وپونی تأییدأ بعض علمی وقضائی اجتہاداتی وآمریقانک Harter Act قانونیلہ قانادا ودول سائرہ قوانینی استشهاد وتبجارت بحریه قانونندہ بوکبی شرائطک معتبریتہ دائر برصراحت بولنامسی ویکی تجارت قانونندہ عدم مسئولیت شرطلرینی باطل عد ایتدیرن عواملک بحریه نقلیاتندہ دخی موجود ایدوکی وقانون مذکورک ۸۸۵ نجی مادهسندہ « قرده ویاصولردہ اجرا ایدیلن نقلیات » عباراتی بحرأ اجرا ایدیلن نقلیاتی دخی تضمن ایلدیکی وفی الحقیقه ۱۳ نجی فصلک ۴ نجی قسمی عنوانندہ ۹۸۳ نجی مادهسندہ « قرده ودکزک غیري صولردہ » دیبه نقلیات بریه ، نقلیات بحریه دن تفریق ایدلمش ایلن سالف الذکر ۸۸ نجی مادهسندہ عینی تفریق یابیلما دیغندن عدم مسئولیت شرطلرینی کآن لم یکن عد ایدن قانون مذکورک ۹۰۴ و ۹۰۵ نجی ماده لرینک نقلیات بحریه دخی تشمیل ایدیله چکی کبی اسباب وملاحظاته استناد ایلکده در . فی الحقیقه موضوع بحث عدم مسئولیت شرطی ، بیوک برمسئلہ حقوقیه واقتصادیه اولمش ، حقوق علامه لرینی بربرینه دوشورمش ، اوللری کندوسنی قبول ایتمین محاکمی صکره لری قبول وموجبجه حکم ایتیمکه مجبور قیلمش ، ارباب تجارت وصنایعک رفع آوازه شکایت ایتسنه سبیت ویرمش ، آنورس وسائرہ قونفره لری کبی برطاقم مشاهیر علمادن ویوک سیغورطه جیلر ، تجارلر وصنعتکارلرک ممثلارندن عبارت انجمن دانشلرک تشکله وپارلامتولردہ قانون تکلیف لرینه باعث اولمشدر .

في الحقيقه شرط مذكورك اغيراني ، برطاقم سوء استعمالاته استعدادي ، محل ومرسل اليه مضره اعتباريله مستلزم اولديني محاذير عديده سي معلوم ايسده قبودان وطائفه مثللو اشخاص ثالثه نك صنع وتقصيرندن صاحب سفينه نك برائنده قانوناً ممنوع وآداب وانتظام عمومي ني محل برحل بولنامسي وسرپستي مقاوله نك جواز ولزوم محافظه سي ، بومقاوله نك مافدرلر نجه قانون حكم وقوتي حائز اولسي ، شرط مذكورك ممنوعيته دائر قانونده بر قيد وصراحتك ففداني ، مجهزلكك بك مصرفلي ، دغدغلي وتهلكلي رايش بولنسي و سيغورطه جيلفك محاذير مذكوره ني تعمير وضررلي تلافيه كفائي و بين الملل برقونفره تشكيل ايديلوب شرط مبحوثك قونشمستولردن طي ورفعه قرار اعطا ودولترجه قبول وتصديق ايدلمدكجه هيچ برملكستك مجهزلي اضرار وتجارت بحريه سي خللدار ايتكي كوزه آلهرق خود بخود مارالذ كر شرطي الغايه راضي اوله ميه جني مثللو اسباب قانونيه ، ماديه واقتصاديه شرط مذكورك ابقا وتمادى اعتبارينه بادي اولمشدر . في الحقيقه حقوق بحريه نك متابعدن بريده مقاولات متتابعه ايله تقرر ايدن عادت در . واپور قومپانيه لر نك وضع ايتدكلى عدم مسئوليت قاعده سي اوچ ربع عصر دن بري قونشمستولرده يازيله كلدر ك تقرر ايتش بر عرف وتعاملدر .

في الحقيقه آمريقا و آسترااليا و قاناداكى مملكتارده قبودان وطائفه لرك حوله ني تحميل وتخليه واستيف مثللو عملياتده كى خطالردن قومپانيه لرك مسئوليتي حقنده قانونلر قوميشلر ايسده بونلرك حكمت وضعيه سي ، اساسات حقوقيه دولاييسيله اولمايوب محضا كندى محصولاتى طاشييان اجنبى كيلىرينه قارشى كندى منافع تجاريه واقتصاديه لر ني محافظه قاينوسى در .

انكلتره نك ۱۹۲۳ ده آمريقا قانونى كى بر قانون وضع ايتش اولديغندن بحث بيوريليور . طوغريسي بنده كز بوقانونى كوره مدم . يالكز كندى كنديه دوشونورم كه ايلك دفعه قونشمستولرده عدم مسئوليت شرطنى احداث و وضع ايدن انكليز مجهز لرينك منسوب اولدقلى بر مملكت عجيبانه كى سوائق تحتنده بويله بر قانون وضعنه مضطر قالمشدر ؟ شوراسى شايد قيددر كه شرط مذكور يالكز قبودان وطائفه و يابونلرك خارجدن استعمال ايلدكلى قلاغوز وعمله كى اشخاصك كرك كيچيلك مسلكنجه يعنى قون و نظامات بحريه جه و كرك حوله ني تحميل وتخليه واستيف مثللو عادى عملياتجه ارتكاب ايتدكلى خطالردن احباب سفينه نك برائته متداثر اولوب يوقسه كندى فعللردن وتعلياتلردن

وکیلک سیر و سفره عدم قابلیتندن ناشی قاعده عمومی حقوقیه موجبجه هیچ بر صورتله مسئولیتندن اوکجه تخلص کریان ایده منزلر .

کرچه یکی قانون تجارت بریدنک ۹۰۲ نجی ماده سنده نقلیه جی اشیانک کنديسنه تاریخ تسلیمندن اعتباراً مرسل الیه تسلیم اولدنی زما نه قدر کچن مدت ظرفنده اوغرا دینی ضایعات و خسار آندن دولای مسئولدر . عدم مسئولته دائر شرائط باطلدر دیه مندر جدر . حالوکه بوماده حکمی یالکز قرده و نه ر وجدول و کول کچی صولرده نقلیه جیلک ایدنلره شامل اولوب نقلیات بحریه یه مؤثر دکلسدر . تجارت بحریه قانونی وار ایکن تجارت بریه قانونی حادثات بحریه ده مابه التطبيق اتخاذ اولنه بیلیرمی ؟ اوت ! تجارت بحریه قانوننده صراحت اولیان واحکام مدنییه تعلق ایدن احوالده قانون مدنییه مراجعت اولمق لازم ضروریدر . لیکن تجارت بریه قانونه توفیقاً حقوق بحریه متعلق بر مسئله حل ایدیله منز . تجارت بحریه قانونی خصوصی ومستقل بر قانوندر . حقوق بحریه یی حقوق بریه قیلندن و آنک تفرعاندن عد ایتمک مؤلفین مشهوردن ژورژ ریسره رک دیدیکی وجهله بیوک برخطادر . تجارت بریه قانوننک نقلیه جی یی تعریف ایدن ۸۸۵ نجی ماده سنده کی « قرده و یا صولرده » عباره سنک بحرراً اجرا ایدیلن نقلیات ده تضمن ایلدیکی و ۹۸۲ نجی ماده سنده « قرده و دکزک غیری صولرده » دیه نقلیات بریه سوقيات بحریه دن تفریق ایدلش ایکن سالف الذکر ۸۸۵ نجی ماده سنده بویه برتعریفک پایله مامسی ۹۰۲ و ۹۰۵ نجی ماده لرینک نقلیات بحریه ده تشمیلنه دال اولدینی حقنده کی بیاناته کلنجه ، ۸۸۵ نجی ماده سنده محرر « قرده و یا صولرده » عباره سی یالکز آراهه ، شمدوفر ، اوطوموبیل و سائر له وسائط جریه بریه یی و یا خود انهار وجداول و کول مثللو میاهده دوباء ، صال ، قایق و موتورلری ایشله تن نقلیه جیلره عائد اولوب مراکب بحریه واسطه سیله دکزلرده اجرای نقلیات ایدن اشخاص و شرکترلره تعلق ایتمز . بوبحث کتیر منز بر حقیقت حقوقیه وقانونیه در .

۹۸۲ نجی ماده سنده « قرده و دکزک غیری صولرده » دنیلش اولدینی حالده ۸۸۵ نجی ماده سنده بویه برشی دنیلهمش اولسی کیفیتندن ۹۰۲ و ۹۰۵ نجی ماده لرینک نقلیات بحریه شمولى معناسی چیقاريله جق رده ۸۸۵ نجی ماده سنده کی « قرده و یا صولرده » عباره سنک نقلیات مجحوثیه عدم شمولى معناسی استنباط ایدلسه ایدی عجبا ده ا طوغری وقواعد تفسیریه ده ا موافق اولمازمی ایدی ؟ چونکه ا کر آداتو افندیکنک بیوردقلری

وجهله ۸۸۵ نجی ماده حکمی نقلیات بحریه ده شامل اولسه ایدی بو تقدیرده نقلیات سیغورطه سندن باحث ۹۸۲ نجی ماده سی « قرده و دکیزک غیری صولرده » دیه دکیز سیغورطه سنی صراحة استثناء ایتمز و نقلیات بریه و بحریه سیغورطه لری آره سنده برآیری سچی قویماز ایدی. ورده اکر ۸۸۵ نجی ماده ، نقلیات بحریه بی ده تضمن ایتسه ایدی احوالده اون اوچنجی فصلده مندرج سیغورطه احکامی عینله نقلیات مذکوره حقنده ده جاری اولق و دکیز سیغورطه سی استثناء ایدلمه مک لازم کلیر ایدی .

ذکری مسبق ۹۸۲ نجی ماده دن بک رعنا آکلاشلور که ۸۸۵ نجی ماده سنده کی « ویا صولرده » عباره سندن مقصد دکیزک غیری صولدر .

لکن بو مبخده ده اوزاغه کیمکه نه حاجت ؟ بالاده عرض ایتدیکم وجهله قونشمستولرده کی عدم مسئولیت شرطی اصحاب سفینه نک کندی خطا و قصورلرینه متدائر اولما یوب معتارنده قوللاندق لری قبودان ، طائفه ، قلاغوز و عمله لک صنع و تقصیراته متعلق در . بورجار قانونک ۱۰۰ نجی ماده سنده « بونلرک (معیتلرک) فعلندن متولد مسئولیتی اولجه ایکی طرف آره سنده پایلان بر مقاوله تماماً و یا قسماً بر طرف ایده بیلور . دنیلور .

قانون مدنی نک بر قسم متممی اولان شوقانون عمومی حکم صریحی موجود و تجارت بحریه قانوننده عکسنه بر قید و اشارت مقفود ایکن آرتق قونشمستولرده کی عدم مسئولیت شرطک حتی حقنده تردد ایتمه و بر قانون خصوصی اولان تجارت بریه قانونک توسیع احکامنده و آکا تمسکده نه معنا وارد ؟

عجبا اشیانک کندینه تاریخ تسلیمندن اعتباراً مرسل الیه تسلیم اولدنی زما نه قدر کچن مدت ظرفنده اوغرا دینی ضایعات و خسار اتدن دولایی نقلیه جی بی مسئول طوتان و عدم مسئولیه دائر شرائطک بطلانی آمر اولان مارالذکر ۹۰۲ نجی ماده حکمی ، ذکری مسبق بورجار قانونک ۱۰۰ نجی ماده سنه نظراً حتی قره نقلیه جیلرینک دخی واپور قومپانیه لری مثللو معیتلرینک افعال و خطئیاتسندن عدم مسئولیه دائر مرسلارله اولدن عقد ایده جکلری مقاوله لک صحتنه مانع دکلدر دیسه جراتکارلق می ایتمش اولورم ؟ هر نه حال ایسه بویشفقه جه تدقیق اولنه جق بر مسئله در .

اسباب موجه مضبطه سنده مصرح اولدنی اوزره یکی قانون تجارت آلمانیا وایتالیا مدوناتدن تدقیق صورتیه وجوده کتیرلشد .

ایمدی بویکی مملکتزده کی اجتہاد علمی وقضائی قونشمتولردہ کی عدم مسئولیت شرطنک معتبرتی مرکزنده اولدینی حالده زدهده شرط مذکورک قبولنده برمناسبتسزلک یوقدر .

فکر عاجزانهجه بینالملل قونغره تشکیل ایدیلوب وبر صورت تسویه بولوب غایت سرت وچتین اولان شرط مذکورک قونشمتولردن طی ورفعه قرار ویرلمدکجه وحکومات بحریهجه قبول وتصدیق ایدلمدکجه الیوم آنک صحنه قائل اولان هیچ بردولت ، تجارت واقتصادیات بحریهسنی وقایه ابطال والفاسنه یاناشیمه جقدر . لاسیا بزده مجهزلک یکی انکشافه باشلادیغندن بوکا خلل کثیره بیله جک احوال وموانعدن اجتناب ایتمک الزمدر .

خ . س .

سوقراطک محاکمه سی و افلاطونک مدافعه سی

II

دعوی

«سوقراط علیه اقامه ایدیلن دعوی عرضحالی شو مآلده قلمه آلتش ایدی :
«سوقراط شهرک تعدد ایتدیکی الهاری طائیمقله وشهره یکی الهار ادخال وقبول ایتدیرمکه متهمدر؛ بوندن ماعدا کنجلیکی افساد ایتمک جرمک فاعلیدر؛ حقنده ثلوم جزاسنک تطبیقی مطالبدر . بو استدعای مهله توس امضالامش ایدی . افلاطونک کورک مدافعه نامه سنده کرکسه دیگر بر اثرنده موجود ایضاحانه نظراً مهله توس کنج و پک آز طائمش برشاعر ای . ی ؛ بو آدمک شاعر اواسی ، افلاطون طرفندن شرایی تمثیل ایتدیکی فکری درمیان ایدلمسندن استخراج ایدلمکده در؛ فقط ینه افلاطونه کوره مهله توسک بودعوائی اقامه ایلمی کندی شخصی قناعتندن زیاده فرقه سنک سیاستنی تنقید ایتدیکنندن ناشی اخذنار قرارینی ویرن آیتوسک اجرتیله حرکت ایلمه مشدر .

افلاطونک قلمه کوره بورجل سیاسی آتنده پک بویوک موقع صاحبی اولان برذاتک اوغلی اولوب قبل المیلاد ۴۰۹ سنه سنده اردو قوماندانی بولونمش ودرعهده ایتدیکی حرکات عسکریه نیک موفقیتسزلکله نهجه لئسی اوزرینه تحت محاکمه یه آلهرق آریستوت و (دیودور) دن